

# ՓՕՍՆԱԿԻ

ՀԱՅԱՍՏԱՆԵԱՅՅՅ ԵԿԵՂԵՑԻՈՅ

ՀԱՆԴԻՍ ՇԱԲԱԹԱԿԱՆ

ԿՐՈՆԱԿԱՆ, ԲՈՐՈՅՅԱԿԱՆ ԵՒ ԱԶԳԱՅԻՆ

Թիւ 3

1888

Ապրիլ 20

## ԿՐՈՆԱԿԱՆ

ՔՐԻՍՏՈՆ ՅԱՐԵԱՒԻ Ի ՄԵՌԵԼՈՅ

Վաղիւ հազիւ թէ արշալոյս կոկոի երեւիլ, սրտեր կը տրոփեն, զարմանք. Երկու ահեղ կուսակցութեանց իւրա- քանչիւրին սրտեր, մին ահեղ, վասն զի ունի քահանայա- պետներ, դպիրներ, ծերեր, փարիսեցիներ, սադուկեցիներ եւ իշխաններ, ժողովրդեան յայժ մեծագոյն մասն յիւր կողմ, իսկ միւսն եւս ահեղ, թէեւ փոքրաթիւ, եւ հոգիւ քանի մը հաս իշխաններ ունի, այլ սակայն ահեղ, վասն զի Յիսուսի աստուածայնութիւնն ունի յիւր կողմ, հաւատք թէ Յիսուս պիտի յալթէ մահուն, թէ նա որ մեռեալներու կեանք տուաւ, կարելի՞ է որ յաղթուի մահէն։ Սրտեր կը տրոփեն, մանաւանդ քանի մը կիներու սրտեր, որք անհամ- բեր կսպասեն առաւօտեան, որպէս զի երթան իրենց վար- դապետին եւ բարերարին, որ մեռած էր առանց օծութեան, առանց օրհնութեան, երախտապարտութեան եւ յարգանաց վերջին պարտքը կատարել. հէք կիներ, որք եթէ այս իրենց պարտքը կատարած լինէին Յիսուսի թաղման պահուն՝ գու-

ցէ ժողովրդական կատաղութիւնը բզքտէր զիրենք, ուսուու  
առ ահի՝ Յիսուսի թաղման միայն յուղարկաւոր եղած էին։  
Դիտէին այդ կիներ թէ Յիսուս եթէ ոչ Աստուած, գէթ  
մարգարէ էր, ուսաի Յիսուսի մարմնոյն գոնչ օծութիւն մը  
տալ արժան կը համարէին, այլ սակայն երկիւղն այդ մտա-  
ծումը յետագել տուաւ այդ կանանց, եւ սպասել կատաղի  
եւ մոլեգին կրից հանդարտութեան։ Ուսաի Յիսուսի մահ-  
ուան երկրորդ օրը շատ կանուխին դէալ ի Յիսուսի գերեղ-  
մանը կը յառաջանան, մտմտալով միանդամայն թէ ով պիտի  
տէրունական գերեզմանի ահագին քարն ի բաց պիտի թա-  
ւալէ, զի իրենք ոյժով տկար էին, առանց մնուածելու միան-  
դամայն թէ հոն զինուորներ կային քահանայապետէն կար-  
գուած, որք պիտի թոյլ շտային կնքուած տապանաքարին  
գովչելու առանց քահանայապետական հրամանի, բայց միթէ  
այս իւղաբեր կանանց խորին եւ անկեղծ հաւատքն արդեօք  
կը թողուր մուածել այդ բանին վրայ։

Իսկ Յիսուսի մայրն ուր է, մինչդեռ այդ օսար կանայք  
Յիսուսի գերեզմանին եւ մարմնոյն յարգտնք մը ընել կը  
մուածէին, ուր է նա։ Միթէ Յիսուսի՝ իւր այս մէկ հատիկ  
զաւակին գերեզմանն ու մարմինն անարժանն էին մայրենի  
սիրաբորոք աշերէ կաթէկթուած արցունքներու։ Միթէ միայն  
վիշտն էր արգիլող զՏիրամայրն իւր այս անհրաժեշտ պար-  
տականութիւնը կատարելէ։ Բայց ամենօրհնեալ այս կինն  
վշտէ կամ ահէ վախցողներէ չէր, զի այս կինն էր, որ երբ  
լսեց թէ իւր Որդին ի խաչ կը հանուի, յուսահատաքար տան  
մէջ փակուած չմնաց, վասն զի գիտէր, շատ կանուխին գի-  
տէր, թէ իւր սիրտը պիտի ծակէցէր, գիտէր, զի իւր զա-  
ւակին դեռ քաւասնօրեայ եղած ժամանակ լսած էր Միմէռնէ,  
թէ « Եւ ընդ քո իսկ անձն անցցէ սուր»։ Գիտէր, թէ իւր  
Որդին ինչպէս շատ անդամ Առաքելոց եւ հաւատացելոց  
զրուցած էր իւր երկրաւոր կենաց կատարածը, իրեն եւս  
իրբեւ ազնուագունի մօր մը, մօր չնորհալոյ, յայտնած էր,  
թէ պիտի նախատուէր, կատակուէր, եւ մահուան պիտի  
գատապարտուէր։ Գիտէր թէ նա պիտի խորտակէր մահու  
զօրութիւնը, պիտի կործանէր չարին իշխանութիւնը, պիտի

ջախջախէր գժոյսքը եւ դրախտին գռները պիտի բանայր արդարոց առջեւ, եւ հոն պիտի մանէր իւր հետն ունենալով մարդոց ամենէն ամբարիշտը, աւազակ մը ի ցոյց հաստատութեան իւր բանին թէ «Որ հաւատայ, կեցցէ» : Դիտէր թէ իւր Որդին յարութիւն պիտի առնէր խայտառակելու համար այն ապիրատ եւ անիրաւ թշնամիներու բանակը, որք հեթանոսի մը — Պիղատոսի — մատնեցին, վատութեան ամենածայրայեղ չարախոսութեամբ, եւ պիտի երեւէր իւր սիրելեաց, յարուցեալ ի մեռելոց, եւ ինքեան եւս, որ մայրն էր աշխարհս լուսաւորուլ Յրեւուն, պիտի երեւէր, ուրեմն այլ եւս ի՞նչ հարկ կար իրեն երթալ ի գերեզմանն համարելով «մեռելոց» ի պաշտօն ու յարգանք տալ նմա, որ համարձակ արտասանած էր թէ «Ես եմ յարութիւն եւ կեանք, որ հաւատայ յիս, թէ պէտեւ մեռանիցի, կեցցէ ի յաւիտեան» . եւ թէ «Զի ես կենդանի եմ եւ դուք կենդանի լինելոց էք» : Ուրեմն Տիրամայրն եթէ ի գերեզմանն երթալ կանխէր եւ մեռեալ համարելով ի յաւիտենից կենդանին արտասուէր, ոչ ապաքէն այս պիտի լինէր նշան թերահաւատութեան, ուստի նա չընկերացաւ իւղաբեր կանանց, նոցա՝ որք տակաւին այնքան չէին խորաթափանց ի մատին ստառաւածութեանն Յիսուսի, որքան ամէնօրհնեալ Տիրամայրն էր: Վերջապէս Տիրամայրն չգնաց ի գերեզմանն, զի իւր համար իւր Որդին չէր որդի մահու, «Եւ թէ յաւուր երրորդի» յարութիւն պիտի առնէր երեւելով իւր հաւատարիմ հաւ ասացելոց :

իւղաբեր կանայք կը յառաջանան ի գերեզմանն, խնկով, իւղով եւ մոմով, կը յառաջանան եւ ահա կը գտնեն խոշոր տապանաքարը ի բաց ձգուած: մինչ կը զարմանան, ահա լուսեղին բերաններէ սոյն հրեղին աւետիսը կը լսեն, մարդկային ազգի վերակենդանութեան սոյն աւետիսը կը լսեն. «Զի՞ խնդրէք զկենդանին ընդ մեռեալս. Քրիստոս յարենի ի մեռելոց»: Այս կիներ սարսափաւ յերուսաղէմ կը մանեն, հերածակ կը հասնին յԱռաքեալս եւ կաւետեն. Քրիստոս յարեաւ ի մեռելոց: Առաքեալք կը շփոթին, Պետրոս եւ Յովհաննէս կը փութան ի գերեզմանն, եւ հաւատայ ձայնիւ

կը գոչեն . ուրեմն Քրիստոյ յարեաւ ի մեռելոց : Այլ սակայն մինչ ի Գալիլիա Սուաքեալք հաւաքուած են , ահիւ եւ անձկանօք . Յիսուսի գերեզմանի պահապանք կը գուժեն առքահանայապետն Կայիսրիայ , թէ Քրիստոյ յարեաւ ի մեռելոց : Կայիսրիայի աշերէն կարծես կայծակներ կը թափթփին , փութով ի ժողով կը կոչէ Ծերակոյար , որք կը գումարին , խոնարհելով իրենց ճաղատ դլուխները եւ սպասելով , լսել քահանայապետէն թէ ի՞նչ նոր բան պատահած է : Լոռութիւն մը տիրած է խորին եւ ահաւոր , սրտեր կը տրոփեն եւ կը տագնապին սա ահաւոր կասկածէն , թէ մի գուցէ մոլորեցուցիչը , խարեբայն յարութիւն առած լինի : Կայիսրիայ կարմիր քղամիդ վրան ձգած , ի նշան մահաշշուկ գուժի , քայլ առ քայլ կը յառաջանայ , կը բազմի քահանայապետական աթուոն , որոյ բարձրադիր յենարանին ի վերեւ Մեծ մարգարէն Մովսէս լուսեղէն երկու եղջերաձեւ ցնցուղներ ի ճակատն ունենալով արձանացած կայ : Ժողովն իառաւոր , կաճառն անիաջառ , գատաւորն անաչառ , ովք սքանչելի տեսիլ ահաւոր եւ նշանաւոր , Կայիսրիայ կը գուժէ . «Ի զուր գերեզմանին վրայ ահազին քար մը դրի , յարեաւ : Ի զուր տապանաքարը կնքեցի , յարեաւ մոլորեցուցիչը , խարեբայն : Ի զուր պահապաններ դրի ի հսկել , այլ նա , մոլորեցուցիչը , խարեբայն յարեաւ . քարն է գլուխուէր , պահապանք ի գետին են փոռուեր եւ տեսիլ հրեշչակաց եւս տեղի ունեցեր է յողըն յարութեան խարեբային :

Քահանայապատին այս խօսքն անմիջապէս կընդհատուի Ծերակուտէն . « Ի զուր թող հրեշտակը երեւին եւ աւետեն թէ յարեա՛ : Ի զուր թող ինքն իսկ Յիսուս երեւի եւ ինք- զինքը կենդանի թող ցոյց տայ իւր աշակերտաց թէ յարեա՛ . ԱՅ ԿԱՆԴԱՒԵՆՔ ամէն բերան , եւ Յիսուսի յարութեան փառքը կը ջնջենք . Մատոմ . իջ . 15 :

Մինչ ծերակոյան այսպէս կը խորհի եւ կը ձեռնարկէ ի գործ, ահա Տէր Յիսուս ի Դալիվա կերեւի իւր աշակերտաց եւ կըսէ. «Գնացէք, ընդ ամենայն աշխարհ, գնացէք, քարոզել Աւետարանս. գնացէք, «Ես ընդ ձեզ եմ զամենայն աւուրս մինչեւ ի կատարած աշխարհի»: Մատթ. իր. 20:

## ՊԱՍԷՔ ՀՐԷՒՑ ԸՍՏ Ս. ԳՐՈՑ

«Մերձեցաւ տօն բաղարջակնը ացն , որ կոչէք ՊԱՍԲԱ . . . »  
Ղուկ. ԽԲ. 4 :

Պասէքը Հրէից Եգիպտական ծառայութենէ ազատութեան  
յիշատակի տօնն է , եւ կը կոչուէր Երրայեցերէն Փեսախ այ-  
սինքն է Ելլ. եւ կը կատարուէր մեծահանդէս : Ամէն Հրեայ  
պարտական էր գալ հոն ուր Աստուծոյ խորանն ու տապա-  
նակը կային , եւ հոն մորթել եւ ուտել Պասէքը : Խորայէլի  
թագւարութեան գահն ի Սիոն հաստատուելէն եւ տաճարին  
շինութենէն յետոյ Երուսաղէմն եղաւ տեղի պաշտաման  
Պասէքի :

Սյն ամիսն որ ի հնումն կը կոչուէր Ապիս եւ այժմ  
Նիսան , Աստուծոյ հրամանաւ նուիրական եւ առաջին  
ամիսն եղաւ Հրէից , զի Պասէքը կը կատարուէր որպէս  
պատուիրած էր Մովսէս սոյն ամսոյ մէջ եւ այսպէս . « Ոչ-  
խար կատարեալ , արու , տարեւոր , անարատ լիցի  
ձեզ , յօդեաց — ոչխարներէ — եւ յայծեաց առնուցուք  
եւ եղիցի ձեզ պահեալ մինչեւ ի չորս եւ ի տասն աւուր  
ամսոյս այսորիկ , եւ զենցեն զնա ամենայն բազմութեամբ  
ժողովրդեան որդւոցն Խորայէլի ընդ երեկս . . . : Եւ  
կերիցեն զմիսն ի գիշերիս յայսմիկ խորովեալ հրով , եւ բա-  
ղարջ ընդ եղեգի կերիցեն , եւ ոչ ուտիցէք ի նոցանէ հում ,  
ոչ պախ եփեալ ջրով , այլ խորովեալ հրով , զդուխս ոտիւքն  
հանդերձ եւ զփորտախն նորա : Եւ ոչ ժողուցուք ի նմանէ  
յայգ . հրով այրեսջիք : Եւ այսախս ուտիցէք , գօտիք ձեր  
ընդ մէջս , եւ կօչիկը ձեր յոտս եւ յուազ ձեր ի ձեռին ,  
փութանակի ուտիցէք , զի Զատիկ Տեառն է : Զեօթն օր  
բաղարջ ուտիցէք , յառաջնմէ օրէ անտի , անհետ առնիջիք  
զլսմոր ի տանց մերոց : Ամենայն որ ուտիցէ խմորեալ սատա-  
կեսցի՝ անձնն այն յիսրայելէ : Յառաջնմէ օրէն մինչեւ ցօրն  
եօթներորդ եւ օրն եօթներորդ եղիցի ձեզ սուրբ : Զամե-  
նայն գործ սպասու մի գործիցէք ի նմա , բայց միայն որ  
գործիցէ ամենայն անձին՝ այն միայն գործեսցի ձեզ » . Ելք .  
ԺԲ . 1—20 :

Պասէքի երկլորդ օրը կը կատարուէր Երախսայրեաց տօնը : Երեկոյին քաղուած հունձի որայ մը խորանէն դուրս գաւթի սանդին մէջ կը կասուէր , որոյ վրայ քահանայն յետոյ ձէթ ու խունկ թափելով ի ցոյց կը հանէր օրհնելով աշխարհի չորս կողմերը : Քահանայն ապա նոյն ծեծուած որայէն ափ մը առնլով կը նետէր գէպ ի սեղանն , այնուհետեւ ամէն Հրեայ ազատէր քաղել իւր հունձը : Երախսայրիք ի նշան էին շնորհակալութեան առ Աստուած : Այս ընծայն մասն էր փոխանակ բոլորին , որոյ տէրն էր Աստուած . Ղեւտ . ի.դ. . 10: Տէր Յիսուս խաչուեցաւ զատկական գառին օրը եւ յարութիւն առաւ սոյն որայներու — Երախսայրից մատուցուած օրը , ուստի Առաքեալն կը գրէ . «Առաջին պտուղն ննջեցելոց . Ա . Կորնթ . ԺԵ . 20: Իսկ Հրէաստանի բոլոր երախսայրից Աստուծոյ տաճարին ընծայուած օրը — Պէնտէկոստէին — Սուրբ Հոգին իջաւ յԱռաքեալս եւ ի նմին աւուր 5000 հոգիք յաւելան ի հաւատացեալս . Գործք . Բ . 5 . 41 :

Պասէքէն անմասն չէին ազգային եւ ընտանեկան տօներ մանաւանդ զոհեր : Պասէքի համար գառնուկ մը կամ ուլիկ մը հարկ անհրաժեշտ էր ամէն տան : Եթէ մի ընտանիք գառն ամբողջ ուտելու համար բազմաթիւ չլինէր , պարտական էր փոքր ընտանիք մը հրաւիրել , մանաւանդ աղքատիկ : Եթէ Հրէի մը անհնար լինէր Պասէքն ուտել ըստ ժամանակին , պարտէր ուտել ի յաջորդ ամսեանն : Անիծեալ նա , եւ զըրկեալ ի շնորհացն Աստուծոյ , եթէ կումաւ չկատարէր Պասէքը :

Պասէքը այնալիսի բարոյական կուպ մ'էր , որով բոլոր իսրայելացիք , հեռաւորն ու մերձաւոր , հարուստն ու աղքատ իրար գտնելով ու տեսնելով կը մսիթարուէին : Մովսէս զայն հաստատեց վաս պահելու համար իսրայէլի սրտին մէջ աստուածպաշտութեան ու հայրենասիրութեան սուրբ հուրը : Կը խայտար իսրայէլ լսելով այն երգերն որք կը հընչուէին ի ճայն փողոց՝ ի քահանայից , կը հրահանգուէր ի կենցաղ բարոյականի , լսելով մարդարէից աստուածաշունչ պատգամները : Եւ Պասէքն այսպէս ներքին խորին հաւատք մը հաստատելով՝ իսրայէլի սրտէն կը բղինցնէր սա հաս-

տատուն դաւանանք թէ իսրայէլ ունի մի միայն Մէկ Սստուած եւ Մովսէս ծառայ նորա: Թող որ Պասէքի տօնի համար բոլոր իսրայելացւոց ի մի վայր համախմբիլն ազգային քաղաքական տեսակէտով եւս իւր արդիւնքն ունէր. որպէս վրայ խօսել ուրիշ անդամ:

Քրիստոնէութիւնն եւս ի սկզբանէ անտի Հրէից օրինակաւն ունէր իւր համախմբութիւնն, որ Ուխտաւորութիւն կը կոչուէր, միայն թէ Հայ քրիստոնէութիւնն Զատկի տօնի համար բաց ի յերուսաղէմ ուխտաւորութենէ՝ չունէր ուխտաւորութիւն: Ամէն Հայ-Քրիստոնեայ ի Զատկին պարա էր գտնուիլ իւր տան մէջ, իւր հայրենի հողին վրայ, իւր երդիքին տակ, իւր սեփական եկեղեցւոյն մէջ, հոն կոտարել Զատկին իւր ազգականօքն ու բարեկամնք եւ սիրելեօք, ցնծագին կատարել, զի «Զատիկ Տեառն է»: Հայկական ուխտաւորութիւնք ուրիշ տօներու համար են. ո՞ր հին Հայն Զատկին յետոյ հետի կամ ձիով չէր երթար ի Մշյ Մուրատատուր Ս. Կարապետ, Վարդավառը հոն տօնելու եւ ապայիշմիածին երթալով կուսաւորչի օրհնէքն առնլու համար: Աստուածապաշտ ու ազգասէր սրաեր, ի նժդէ հութեան ի տար աշխարհի, որքան անձկանօք կարօաը կը քաշէին այն սրբավայրերուն, զորս լարով իրենց ետին ձգած էին.

Երգեցէք, Հայոց մամիկներ.

«Ո՞վ պիտի տանի զիս յիշմիածին,

Ա՛ն, պիտի տեսնե՞մ, լոյս կուսաւորչին»:

Վ.

## ԶԱՏԻԿ ՔՐԻՍՏՕՆԷՒՑ

Քրիստոնէից Զատիկն է այն օրն — Կերմանիկ —, յորում «ՔՐԻՍՏՈՍ ՅՈՐԵԱԿԻ Ի ՄԵՌԵԼՈՅ»: Ինչպէս Պասէքն ի յիշատակ Հրէից ազատութեան յեգիալտասէ հաստատեցաւ, նոյնպէս եւ Զատիկը Քրիստոնէից մէջ ի յիշատակ ազատութեան հոգւոց արեամբ անմահ Գառուինն Աստուծոյ: Համայն մարդկութիւնն որ չարին իշխանութեան ներքեւ կը հեծէր, կենդանիք աստ

յաշխարհի եւ մեռեալք ի գժոխս, առ հասարակ ազատեցաւ փառաւոր յարութեամբն Քրիստոսի : Արդարեւ Քրիստոսի տատուածութեան Ի՞նչպէս պիտի հաւատային մարդիկ, նորա հրաշքներն ու մարգարէութիւններն ի միտ ածելով, մարգարէք եւս դոյն շնորհօք արդէն փայլած էին շատ անդամ: Քրիստոսի ԽնքնԱԶՈՐ յարութիւնը պիտի ներշնչէր ի սիրտս հաւատացելոց մի հաստատուն հաւատոյ յոյս, որով սոքտ այլ եւս արհամարհելով աշխարհս պիտի վատէին զինուք ճշմարտութեան եւ պիտի կազմէին Եկեղեցին, որ անյաղթելի պիտի մնար ի յաւիտեան :

Քրիստոսի յարութիւնն այնքան մեծ փաստ էր ի հաստատութիւն հաւատոյ, որ Պողոս բացէ ի բաց կը գրէր. «Եւ եթէ Քրիստոս չիցէ յարուցեալ, ուրեմն ընդունայն են հաւատքն ձեր, ընդունայն եւ քարոզութիւնն մեր » : Այն, Զատիկն է Քրիստոնեայ աշխարհի մեծ օրը, զի Զատիկն է միութեան կապ ընդ մէջ այն տմէն ազգաց եւ ժողովրդոց, որք ծոնր կը կրկնեն յանուն Յիսուսի Քրիստոսի : Զատիկն է նաև միութեան կապ ընդ մէջ հին ու նոր աշխարհաց, կենդանեաց եւ մեռելոց, զի Յիսուս՝ արեւն կենաց իւր յարութեամբ այս երկու աշխարհները հաւասարապէս լրւսաւորեց եւ իրարու հետ անքակտելի կապեց : Ամէն Քրիստոնեայ այսօր սիրանօք ի յուշ կ'ածէ, եւ յուսով կայ յուրախութեան, թէ աստուածային էր բանն, հետեւաբար եւ անսուտ. « Որպէս ես կենդանի եմ եւ դուք կենդանի լինելոց էք » : Այսօր ամէն Քրիստոնեայ առ հասարակ ամէն ազգէ անխատիր, կը գոչէ անվեհեր. « Ո՞ւր է մահ խայթոց քո, ո՞ւր յաղթութիւն քո » :

Քրիստոնեայ աշխարհն ի վաղուց կը տօնէ Զատիկը, Առաքեալք սահմանեցին զայն : Քրիստոնեայք մեծահանդէս կը տօնեն, վկաց ձրագալցոցը : Ի հնումն Քրիստոնեայք վառ մոմեր ի ձեռին, չահերով եւ լապտերներով կը կատարէին Զատիկի Նաւակատիքը յետ երեկոյի Աւագ շաբաթու : Հայոց ձեռագիր հին տօնացոյցք կը յաւելուն . « Ապա երթան ի տունս եւ ուտեն զկարմիր հաւկիթ » :

Վ.

## ԶԱՏԻԿ ՀԱՅՈՅ

Կերեւի թէ մեր նախնիք Պատէքը Զատիկ՝ թարգմանած են աւելի բարձր բարոյական դաս մը տալու համար Հայ ժողովրդեան։ Պատէքը նշանակ էր ազատութեանն Հրէից յԵ-գիտական գերութենէ, ուրեմն ըստ մեր նախնեաց մեր Զատիկն եւս նշանակ է ազատութեանն մերոյ ի գերութենէ մեղաց, ըստ բանի Տեառն թէ «Ամենայն որ գործէ զմեղս, ծառայ է մեղաց։ Զատուիլ ի մեղաց, այս էր ուրեմն Զատիկի բուն նշանակութիւնն, ուրեմն Հայ Քրիստոնեայ մը Զատիկն արտասանելով իսկոյն պիտի յիշէ թէ այլ եւս գերի չէ մեղաց, զատ այսինքն ի բաց ձգած է հին մարդը, մեղաց մարդը։

Հայք եւս Զատիկը մեծահանդէս կը տօնեն, միայն թէ այսօր մատաղ չունին, զի այսօրեայ բուն մատաղն է Քրիստոն։ Գինին, որ կօրհնուի, նշանակ է արեան Տեառն։ իսկ կարմիր նշիուն հաւկիթն՝ նշանակ եկեղեցւոյ, զոր իրրեւ հաւ երկնեց եւ ծնաւ Քրիստոս ի խաչի եւ կարմիր ներկեց ի գոյն իւր արեան։ Մեր նախնիք միթէ կարո՞ղ էին բոլորովին ջնջել հեթանոսական տօներու հետքը, միթէ կամայ ակամաց պիտի շնաւնէին զայնս քրիստոնէական տօներու, մանաւանդ մեծագունին — Զատիկի տօնի մէջ։ Հեթանոսական հաւկիթն ու հաւ ոչ թէ միայն ժողովրդական բերաններու, այլ եւ սրբազն բերաններու սիրական նիւթ լինելով ի ներքս եկեղեցւոյ պիտի մտնէին եւ Աստուծոյ օրհնեալ տաճարը պիտի թնդայր ի լուր այն երգոց, որք թէ ազգային եղանակ եւ գրական ձեւ ունէին եւ թէ կրնային կրել քրիստոնէական տիալ ու հանգամանք։ Ո՞վ է արդեօք սա տաղին հեղինակը, զոր մինչեւ ցայսօր Հայաստանեաց եկեղեցին կերգէ։ Ո՞վ է որ զՔրիստոս հաւու կը նմանցնէ. երգէ դու, Հայոց եկեղեցի, երգէ եւ մեք ծունք ի գետին քաղցր ձայնիդ կամք ի լսել.

«Հաւիկ մի պայծառ տեսի աննման,  
ի յայն խաչափայտի վերայ աննման。  
Աննմանիդ ո՞վ նման. — դու նման։

Զթեւս արծաթայիայլս ունէր աննման ,  
Արեգական շողյն նման աննման :

Զձայնիկն ողորմուկ ածէր աննման ,  
Դարբիէլեան փողոյն նման աննման .  
Զաշերն արտասուօք լնոյր աննման ,  
Առաւօտեան ցողյն աննման :

Այլ սակայն Հայաստանեայց եկեղեցւոյ Տաղարանն յետին  
գարերու միայն գործ չէ : Հեթանոսական լեզուն , այն է  
կրկնածայն յանգեր ու եղանակներ կենդանութիւն կառ-  
նուն վերստին , եկեղեցական Հայ գրիչն ի մրցումն կելնէ հե-  
թանոսական Հայ գրչին դէմ , ինչո՞ւ Հայ հեթանոսն իւր Վա-  
հեւանեան տօնի համար ունենայ երգերու ամենէն հրաշ-  
կերտը , եւ երգէ բագիններու առջեւ .

« Երկնէր երկին եւ երկիր ,  
Երկնէր եւ ծիրանի ծով .  
Երկն ի ծովուն ունէր զկարսիրիկ եղեգնիկն .  
Բնդ եղեգան փող ծուխ ելանէր ,  
Բնդ եղեգան փող բոց ելանէր ,  
Եւ ի բոցոյն պատանեկիկ վագէր :  
Նա հուր հեր ունէր ,  
Ապա թէ բոց ունէր մորուս ,  
Եւ աչկունքն էին արեգակունք » :

Իսկ Զատկին համար Հայոց քրիստոնէական՝ էին դարերն  
չունենան տաղմբգք . կենդանութեան այս միակ ոգին . ահա  
Պարթեւն Սահակ կը համանի Աւագ շաքաթեան շարականնե-  
րովը եւ հեթանոսական երգոց ազգեցութիւնն իսպառ ջախ-  
ջախելու համար կը թափէ իւր՝ հսկայ՝ Պարթեւական հան-  
ճարոյն ոյժը եւ կը յաղթականակէ : Այլ սակայն ուրիշ հան-  
ճար մը , աւանդ , անծանօթ առ համեստութեան , կը տապալէ  
հեթանոսական երգեցողութեան տիրապետութիւնը , երգե-  
լով , թէ հաւն է Քրիստոս , որքան որտառուչ եւ որքան լի  
հոգեշունչ զգացմամբ :

լսեցէք, Հայոց որդիք, լսեցէք սոյն տաղերգն, որ մեզեդին է մեր Զատկին ի Ս. Պատարագի.

Հաւուն հաւուն արթնացեալ  
Դիտելով զհեթանոսս.  
Զայնէր, ճայնէր տատրակին՝  
Սիրասնունդ սիրելոյն:  
Դարձիր, դարձիր Սոմացիւ,  
Ընդ վիմին հովանեաւ.  
Եկ հարսնուհի ի լերանց  
Ընծայ ի դաշտաց այծեմանց:  
Եկեալ եկեալ տաւաղին  
յեփրայիմ Բեթելին.  
Սյոր, այսօր անթառամ  
Ծաղկեցաւ լուսափայլ:

Սյլ սակայն եկեղեցիէն դուրս ենելով՝ մտնենք ժողովը եանեան մէջ, ամէն ուրեք ցնծութիւն եւ ուրախութիւն, զի Զատիկ Տեառն է: Հայ տղեկներ Ճրագալոցի երեկոյին երբ պատարագիչը կարտառանէ « Առէկ կերէկ » . հաւկիթներ հանելով իրենց ծոցերէն, երկու ձեռամք ի վեր կը բռնեն եւ ի ցոյց կը հանեն ի տես Քրիստոսի, իսկ անհամբերներն արդէն կեղեւած լինելով, երբ կը լսեն պատարագիչի այդ բարբառն, իրենց բերանը կը նետեն հաւկիթը, վազվազելով անմիջապէս ի առւն, աւետիս տանելով առ ծնողս. « Զատիկն եկեր է մայրիկ, Քրիստոս յարեաւ ի մեռելոց » : Զատիկի առաւօտուն երբ տաներէց քահանայն տնօրէնէքի կը գայ, կօրհնէ ոչ թէ միայն գինին, այլ հաւկիթն, որ կը պահուի մինչեւ ցվերջ տարւոյ: Կօրհնուի աղն, զօր կը լնուն վերստին իւր ամանին մէջ, կօրհնուի ցորէնն կամ ալիւրն, զոր կը լնուն ամբարին մէջ, կօրհնուի ջուրն զոր յետ կաթիլ մը խմելց կը լնուն յիւր կարասն, կօրհնուին այս ամէնն, որպէսզի այդ Հայ Քրիստոնէին տունն չէն ու պայծառ մնայ, ի լիութեան մնայ:

Բայց կայ մի հիանալի եւ մարդկային ապառաժ սրտերն անգամ ի թունդ հանող մի զարմանալի տեսարան: անդ ի Հայս, տեսարան, որ Հայուն հաւատքն գերի վեր ի հան-

դէս կը հանէ, հաւամաք՝ որ մի միայն հայուն յատուկ է, հաւատք՝ որ աւանդն է մեր երանելի նախնեաց. մամկ ըրէք, ով Հայոց զաւակներ, որ հեռի հայրենի երկրէն կապրիք, մողիկ ըրէք, ով նժդեհակից եղբայրներս եւ քոյրերս ի Քրիստոս. — Զատկի գիշերն երբ ժամերգութեան զանգակի առաջին հնչիւնը կը լսուի, հայ ժողովուրդն ոչ թէ յեկեղեցի, այլ նաև ի գերեզման կերթայ, իւրաքանչիւր ոք իւր նընջեցելոյն գերեզմանաքարին վրայ մոմ կը վառէ, մեղրամնմ, իւր մեղուներու փեթակներէն առնուած ու շինուած, սուրբ մոմ. կը վառէ այդ մոմ, կը ծնրադրէ զայն կը կանգնէ ի գլուխ տապանաքարին եւ կը մրմնջէ առ ննջեցեալն, աւետելով նընջեցելոյն. Քրիստոս յարեաւ ի մեռելոց: Ո՞ր ազգն ունի այսպիսի սուրբ բարոյական. երախտագիտութեան եւ սիրոց այս որպիսի խորին զգացում. ահա զատկի եւ ահա ողջոյն աւետեաց կենդանիներէ առ ննջեցեալս թէ Քրիստոս յարեաւ ի մեռելոց:

Զատկի գիշերին Հայոց համայն գերեզմանատունք այսպէս լուսավառ կը պայծառանան ի փառոս յարութեան Քրիստոսի:

Իսկ դուք ո՞ւր էք Հայ երգիչներ, ով մեր սրտերու թրթուիչ աշուխներ, այո՛, դուք էք մեր հաւատոյ փառապակները, դուք եթէ չլինէիք այս յետին դարուց մէջ, ով պիտի լինէր այս ողորմելի ազգին միմիթարութիւնն, դուք էիք, որ Ս. Կարապետին սազ ուզեցիք երգելու համար Քրիստոսի Զատկիը, դուք էիք որ Աստուծմէ չնորիք առիք ցոյց տալու համար թէ մեր աշեր ո՞ւր սեւեռելու ենք. երգեցէք ուրեմն, եւ մենք լսենք ձեզ, լի անզատում սիրով առ Աստուած եւ առ սրբանուէր յիշատակս Զատկի:

Արեւն է ծագեր Հայոց աշխարհին,

Ծագեր է ծագեր լոյս կուսաւորչին:

Զատիկն է եկեր մեր լոյս աշխարհին,

Հաւիկն է արթուն սուրբ Կարապետին:

Կարմիր է հաւիկին մեր սուրբ Զատիկին,

Հաւիկն է ածել սուրբ Կարապետին:

Իսկ դուք եւս ո Հայ մամեր, դուք եւս ձեր օրորն ըսէք, զի Զատիկ Տեառն է:

Գինին է կարմիր, տէրտէրը կօրհնէ,  
Զատիկն է եկեր մատաղը չօրհնէր:  
Մեր մատաղիկն է մեր աքլորիկ,  
Խւր մեռնիմ ես խորոտ կատարին:  
Զատիկն է մեր հաւկթիկ,  
Նշխուն է մեր հաւկթիկ.  
Օրոր, իմ զաւակիկ,  
Օրոր, աչխ լուսիկ,  
Օրոր, լուսաւորչիս,  
Օրոր, իմ զաւակիս:

Ա.

## ՊԱՏՄԱԿԱՆ

### Ա. ԴԱՐ ՔՐԻՍՏՈՆԷՈՒԹԵԱՆ

ԵԿԵՂԵՑԻՆ Ի ՀՐԷԱՍՏԱՆ

Առաջին եկեղեցւոյ հիմը դրաւ Քրիստոս յերուսաղէմ։  
Երբ արտասաննեց սա խօսքը. «Ուր իցեն երկու կամ երեք  
ժողովեալ յանուն իմ, անդ եմ ես ի մէջ նոցա»։ Մատթ. Ժ. 20։ Առաջին եկեղեցւոյ առաջին անդամ լինելու փառացն  
արժանացան նախ 12 Առաքեալք եւ ապա 72 աշակերաք։  
Սոքա ոչ թէ միայն ունկնդիր էին բանին կենաց, այլ եւ  
քարոզող. «Ժողովեցան Առաքեալքն առ Յիսուս եւ պատմե-  
ցին նմա զամենայն, զոր արարին եւ ուսուցին»։ Մարկ. 9.  
50։ Կային նաեւ ուրիշ հաւատացեալներ, ինչպէս նաեւ «կա-  
նայք, որք պաշտէին զնա յընչից իւրեանց», Ղուկ. Ը. 5։  
Տէր Յիսուս ոչ թէ միայն Առաքելոց, այլ այս իւր հաւա-  
տարիմ հաւատացելոց եւս երեւեցաւ յարուցեալ ի մեռելոց,  
անսլատում ուրսխութեամբ եւ ցնծութեամբ լնլով նոյա  
սրտեր. «Ապա երեւեցաւ աւելի եւս քան գչինդ հարիւր  
եղբարց միտնդամայն, յորոց բազումք կան մինչեւ ցայժմեւ  
ումանք ննջեցին»։ Ա. Կորնթ. Ժ. 6։ Յիսուսի աշակերտե-

լու համար միակ պայման մը կար, այն էր թողուլ աշխարհս, կամ ինչ որ է յաշխարհի, եւ ծառայել միայն բարւոյն, այն է մարդկային հոգւայն փրկութեան, միշտ սեւեռելով զաշկունս ի վեր յերկինս։ Օրինակ պատանին, որ կը հարցանէր թէ «Վարդապետ բարի, զի՞նչ բարի գործեցից, զի ընդունիցիմ զկեսնս յաւիտենական»։ Եւ նա առէ ցնա, զի՞ հարցանես զիս զբարւոյ, մի է բարի։ Եթէ կամիս ի կեանս յաւիտենականս մտանել, պահեա զպատուիրանս։ Ասէ ցնա. զ՞օր։ — ասէ ցնա Յիսուս, զմի սպանաներն եւ մի չնար եւ մի գողանար եւ մի սուտ վկայեր, պատուեա զհայր քո եւ զմայր, եւ սիրեսցես զընկեր քո իմրեւ զանձն քո։ Ասէ ցնա պատանին. զայդ ամենայն պահեցի ի մանկութենէ իմմէ, արդ իւրիք պակաս իցեմ։ Ասէ ցնա Յիսուս, եթէ կամիս կատարեալ լինել, երթ վաճառեա զինչս քո եւ տուր աղքատաց եւ ունիցիս գանձս յերկինս եւ նկ ԶԿՆԻ ԻՄ։ Իրբեւ լուաւ պատանին զբանն, գնաց տրտմեալ, զի ունէր ստացուածս բազումո»։ Մատթ. ԺԹ. 18—22։ Այս անձնանուիրութեան, այս ծանր զսհողութեան փոխարէն ի՞նչ պիտի ակնկալէին Առաքեալք. Աւետարանը թող խօսի. «Աւասիկ մեք թողաք զամենայն եւ եկաք զկնի քո, արդ զի՞նչ լինիցի մեզ, Ասէ ցնոսա Յիսուս. ամէն ասեմ ձեզ, զի դուք որ եկաք զկնի իմ, ի միւսանգամ գալստեան, յորժամ նստցի Որդի մարդոյ յաթոռ փառաց իւրոց, նսաշիք եւ դուք յերկոտասան աթոռ դատել զերկոտասան ազգս խրայէլի, եւ ամենայն որ եթող զուն կամ զեզբարս կամ զհայր կամ զմայր կամ զկին կամ զորդիս կամ զագարակս վասն անուան իմց հարիւրապատիկ առցէ եւ զիեանս յաւիտենականս ժառանգեցէ»։ Մատթ. ԺԹ. 27—50։

Այլ սակայն այս պայմանն առհասարակ հաւատացելոց համար չէր, զի Տէր Յիսուս բնաւ չմոտաբերեց աշխարհի ընկերական կենաց բնական կարգը խանգարել։ Սեփականութիւնն որ մարդկային յառաջադիմութեան մի պայմանն է, Աւետարանի մէջ ջնջուած չտեսնուիր։ Նա ինքն արտասանած էր. «Տուք զկայսերն կայսեր, եւ զԱստուծոյն Աստուծոյ»։ Մարկ. ԺԲ. 17։ Սակայն Առաքեալք զՀոգին սուրբ

ընդունելէ յետոյ քայլ մը առին դէսլ ի ծայրագոյն հաւասարութիւն . «Եւ ոչ ոք կարօտ էր ի նոսա , զի որք միանգամ տեսարք էին գեղից եւ ապարանից , վաճառէին եւ բերէին զգինս վաճառելոցն եւ գնէին առ ոտս Առաքելոցն եւ բաշխէին իւրաքանչիւր որպէս ումեք պիտոյ ինչ լինէր» . Դործք . Դ . 34—56 : Բայց որովհետեւ այս դրութիւնն ի գործ դնելու համար անհնարին գժուարութիւններ կային , եւ կարելի չէր Առաքելոց այնքան բազմաթիւ հաւատացելոց առտնին , այն է տնտեսական պիտոյից եւս մատակարարութիւնն ստանձնել եւ կատարել թող որ արդէն ոկսած էր «Տրտոնն Յունաց առ Երրայեցիսն , զի արհամարհեալ լինէին հանապազրոդ այրիք նոցա» . ուստի որոշուեցան պաշտօնեայներ Սարկաւագ անուամբ , որոց պաշտօնն էր ընկերութեան տուրքը ժողվել եւ «Պաշտել զանդանո» . Դործք . Զ . 4—7 : Այլ եւս չկար կարօտութիւն , զի սկրն , որ նշանաբանն էր Քրիստոնէութեան , ըստ տէրունեան կտակի «յայսմ ծանիցին զձեղ ամենեքեան թէ իմ աշակերտ էք , եթէ սիրիցէք զմիմեանս» . հաւատացեալներն իրարու հետ կապած էր ի մի զօդ միութեան : Եկեղեցւոյ գռները փակուած էին նոցա առջեւ , որք ունիին «Գործք մարմայ , չնութիւն , պոռնկութիւն , պղծութիւն , գիջութիւն , կուտալաշտութիւն , կախարդութիւն , թշնամութիւն , հեռ , նախանձ , բարկութիւն , հակառակութիւնք , երկապաւակութիւնք , հերձուածք , չարակնութիւնք , սպանութիւնք , արբեցութիւնք , անառակութիւնք եւ որ ինչ սոցին նման են , զոր յառաջագոյն իսկ ասեմ ձեզ , որպէս կանխաւն ասէի , թէ որ զայսպիսի ինչ զործն զարքայութիւն Աստուծոյ ոչ ժառանգեն» . Դաղ . Ե . 19—22 : Եփես . Ե . 5 : Ա . Կորնթ . Զ . 9—10 : Նոքա որք կը հետէին , այսինքն աշխարհային հին կենաց ու կենցաղին կը վերադառնային . կարտաքսուէին եկեղեցին , «Զորս մատնեցի սատանայի , կը գրէ Պօղոս , զի իրաանցին չհայ-հոյել» , Ա . Տիմ . Ա . 20 : Խիստ էին Առաքեալք եւ յոյժ նախանձախնդիր կարգապատկութեան : Յանկարծամահ սատակեցաւ Անանիա եւ իւր կին , որք փորձեցին ստել առաջի Առաքելոց . Դործք . Ե . 1—22 : Պատուհասեցաւ Սիմոն մոդ ,

Աստուծոյ Սուրբ Հոգին կաշառով գնել ուղելուն համար .  
Գործք Ը. 18—25 : Նաեւ մեծ եղաւ պատիժն Եղիմաս մո-  
գի , որ Պօղոսի եւ Բառնաբայ քարոզութեան արգելք կը  
լինէր . «Ո՞վ լի ամենայն նենգութեամբ եւ խորամանկու-  
թեամբ , որդի սատանայի թշնամի ամենայն արդարութեան ,  
ոչ լրես ի թիւրելոյ զձանապարհո Տեառն զուզիլս : Եւ արդ  
ահա ձեռն Տեառն ի վերայ քո եւ Եղիցիս կոյր չտեսանել  
զարեւ մինչեւ ի ժամանակ մի , եւ անդէն անկաւ ի վերայ  
նորա մէգ եւ խաւար , եւ շրջեալ խնդրէր առաջնորդս : Յայն-  
ժամ տեսեալ փոխանակ բգեշխի զիրսն որ եղեն , հաւատաց ,  
զարմացեալ ընդ վարդապետութիւն Տեառն» . Գործք Ժ. 4.  
10—15 .

Վ.

## Ա Զ Դ

Աւագ շարաթու եկեղեցական հանդիսաւոր արարողու-  
թեանց պատճառաւուաւ «Խօննակ» այսօր հրատարակեցաւ :

**Խ Օ Ս Ն Ա Կ** Կը հրատարակուի ամէն Շաբաթ օր :

**Տարեկան** զինն է **30** դրու . **Խռամսեաց 10** դրու . **Համբ 20** դր :  
Դիւղացի բահանայից **Տարեկան** բահանողազինն է **10** դրու :

Հանդիսիս վերաբերեալ գութիւնն ուղղել , Առ

Խմբագրութիւն Խօննակ Հանդիսի

Ի ՊԱՏՐԻԱՐՔԱՐԱՆ ՀԱՅՈՑ , ԳՈՒՄԳԱԲՈՒ

Հ Ր Ա Տ Ա Ր Ա Կ Ո Ւ Թ Ի Ւ

Վարչական Խորհրդյն Կրօնական ժողովոյ  
ՏՆօՐԷՆ ՀՄԱՅՆԱԿ ԵՊԻՍ. ԴԻՄԱՔՍԵԱՆ

Կ. Պ Ո Լ Ի Ս

Տ Պ Ա Գ Ր Ո Ւ Թ Ի Ւ Ն Գ. Պ Ա Լ Տ Ա Տ Ե Ա Ն

Զահմազնըլար , Յակոբեան խան , Թիւ 10, 11, 12, 13

معارف عمومية نظارات جليلة سنك رخصية طبع أولى شدر